



Ramhlun North YMA Chanchinbu

"YMA thu vawn: YMA chu tanpui ngaite tanpuitu a ni"



YMA thil tum: 1. Hun awl hman that. 2. Zo fate hma sawnna ngaihtuah. 3. Kristian nun dan tha ngaih san

Vol. 43		Issue No. 17		Ramhlun North: Ni 26 April, 2025	
 BRANCH THU THAR ■ Ni 2.05.2025 hian Branch ECM bakah Section hrang hrang Committee Member te pualin intuaitharna hun Sunrise Villa-ah hman tum a ni a. He hun hi ngaipawimawh turin kan inchah nawn leh a ni e. Harsatna neite chuan Branch Secretary hnenah ziakin phat tur a ni e. ■ Central YMA Football Tournament Ni 6.05.2025 a khelh tan tur atan kan branch team te ngawrh tak a inpuahchana kal pui mek a ni a. Fixture hi ni 29.04.2025 zan dar 8 -ah pet hawn zan hman tur a ni ang. Branch 154 kan inel dawn a ni. ■ Sawmna: Pu Tlangtimawia Zote kan President hlui chuan a fapa Dr. Henry VL Nghilhlova Zote in ni 09.05.2025 a nupui neih turah kan branch YMA member zawng zawngte min sawm. ■ Pem Lehkha: Vengchhunga in neituten kan in luahtu te hnen atangin pem lehkha dil zel turin kan in ngen nawn leh e. Kan in luahtute hrechiang ang u.		YMA Library May Atangin Hawn Tan Tum A Ni (Membership Fee atan chhungkaw pakhatah Rs. 100/- zel a ni ang) Ramhlun North, the 26th April, 2025: Kum khat aia rei YMA Library hawn theih lova awm chu thla thar May atangin veng chhung mipuite tan hawn leh tan tum a ni. YMA Library hi nikum kum tirah khan YMA Committee Room hnuai, RSC Field atangin Chawngbawla Rûn chhawng khatnaah sawn a ni. YMA Library hi changtlung zawka kalpui tum a ni a, Pilot Project-ah Veng chhunga Sorkar School pahnih, Govt. Model English Medium Primary School leh Govt. Endala Middle School-te nen thawhho tum a ni. Heng school-a zirlaite tan Library tangkai zawka an hman theih turin leh an zirnaa pui thei tur an mamawh ang te ngaihtuahsak tum a ni a, chumi atan chuan hma lak chhoh mek niin zirtirtute nen pawh inkawmhonate neih a ni tawh bawk. Khawvel changkaw zelah Library hlutna pawh a tla hniam ve hret hret niin a lang a. Chubakah, lehkhahu tha chhiar lamah pawh kan tla hniam zel niin a hriat a. Chutiang dinhmuna kan din chhoh mek avang chuan naupangteah lehkhahu hlutna hriat thar tir leh hi Ramhlun North Branch YMA Library hrutute tum ber pakhat a ni. YMA Library-ah hian lehkhahu chi hrang a thahnem hle a. Heng lehkhahute chi hrang hrang Sawmhni (20)-ah thliar hran a ni. Christian Literature (Mizo huang)- ah lehkhahu hi a tam ber a, Sermon lehkhahu pawh thahnem tak a awm bawk. Mizo Novel, Article, Essay, Drama, Thu leh Hla lam pawh Library-ah hian chhiar tur tam tak a awma, Naupang Pual lamah hian hmalak nasat tum chhoh mek a ni. Lehkhahu thar pawh a theih ang anga neih belh zel tum a ni bawk. Library hi ruahmannaah chuan Resource Centre ni pah tura buatsaih tum a ni a, Internet Connection pawh neih tuma hmalak mek a ni. Ruahmannate a hlawhtling a nih chuan Competitive lama inbuatsaihte tan pawh man tlawm zawka an study material-te print theih tura ruahmanna siam a ni. YMA Library hi bul tan thar leh ang deuha hmalak a ni a, kan lehkhahu neih zawng zawngte Computer-a chhut luh vek a ni. Visitor-te tan awlsam zawka lehkhahu an duhte zawn hmuh zung zung theihna tur remchang tak a ni ang. Hmalaknaah hian sum leh pai tam tak sên chhoh a ngaih avangin kuminah hian Membership fee hi tihsan a ni a, kum danga chhungkaw pakhat tana Rs. 50/- ni thin chu Rs. 100/- ah tih san a ni. Veng chhung mipuite kan tu leh fate tana ro tling Library nei thei tura membership lama tan min lakpui turin Library hrutute min ngen a ni. Ni 20, April, 2025 tlaiah khan min Bialtu MLA, Minister of Mizoram Dr. Vanlalhlana'n YMA Library hi tlawhin inkawmhona neih a ni a, Branch YMA in Library tana mamawh an thlente pawh a theih ang anga hmalaksak a tum nghe nghe a, hrutute an lawm hle.			
 SECTION THU THAR ■ Saizahawla Section: Section budget Rs. 8000/- branch ah pek tlak a ni a. Branch intuaitharna atan Rs. 3000/- pek a ni bawk. Tin, branch YMA football team te inpuahchahna turin Rs. 2000 pek a ni bawk. ■ Neuva Section: Vawiin hian memberte thlan laiin an hnatlang a, mi 26 an thawk chhuak, thlan khur 2 an lai. ■ Chawngbawla Section: Ni 25.04.2025 zan khan Section committee neih a ni.		Central YMA buatsaihin Mizo Tawng zir ho a ni. Central YMA-in Branch YMA Chanchinbu enkawltute puala a buatsaih Mizo Tawng Zir Hona chu April 24, (Ningani) nileng khan Central YMA Hall-ah hman a ni a, Aizawl khawpui chhung leh pawn atangin Chanchinbu enkawltu mi 84 zet an kalkhawm. Mizo Tawng zir hona hi hun hniah then a ni a. Thawh khatna hi Pu Fabian Lalfakawma, Asst. Secretary in a kaihrui a, Prof. Malsawmliana, Gen. Secretary hnen atangin thusawi ngaihtlak a ni a. Chanchinbu hmanga ram hmelmang nasa taka thlak danglam theih anih thu leh ram leh hnam humhalhna kawngah zia mite an pawimawh thu a sawi a. Chanchinbu enkawltute chu an pawimawh zia hria a, thu zia chhuah tur kawngah fimkhur turin a ngen a ni. Pu RL Thanhuna, Secretary Literature Sub-Committee, CYMA chuan inhmelhriattirna leh pawl hma lakna tlangpui a tarlang a, CYMA hmingin Branch YMA Chanchinbu enkawltute pual hian Media Workshop buatsaih a nih thin thu a sawi. Report-a a lan danin Chanchinbu tha thlanna buatsaih a nih tur thu te, YMA Chhang pualin Video Clip insiamsiak buatsaih a nih tur thu leh Branch YMA te intihsiakna tur QUIZ Competition a awm dawn thu ngaihtlak a ni. Thusawitu dang Er. H. Duhkima, E in C, PHED hnen atangin thusawi bengvar thlak tak ngaihtlak chhunzawm a ni a. Bawlhhlawh paih dan mumal loh avang te, thing leh mau kan humhalh that loh avanga harsatna kan tawh leh kan hma baka mipui te'n kan tihtur hrang hrangte ngaihtlak a ni. Hun hniah hi Pu S.F David Ngursangzuala, Chairman Literature Sub Committee, CYMA chuan a kaihrui a, Dr. H. Laldinmawia, Asst. Professor, PUC hnen atangin Mizo Tawng chung chang thupui ngaihnawm tak ngaihtlak a ni. Tawng nihna (identity) leh humhalh a tul zia a sawi a, Mizo Tawng hmasawna tura sawrkar leh pawl hrang hrangin hma an lak dante tarlangin, chanchinbu enkawltute tana thu ziah dan dik leh pawimawhte a tarlang bawk. Kal khawmte'n zawhna chi hrang hrang an neih te inhrilhiah a, sawi hona hun hman a ni. Central YMA in Mizo Tawng zir hona hun a buatsaih hi Central YMA hnuiaia Literature Sub-Committee chuan a tul apiang an buaipui a, PHED Mizoram hnuiaia Project Management Unit (PMU) te'n sum leh pai an tum a ni.			
 SUB.COMT THU THAR ■ Music Sub Committee: Kar thar hian committee tum a ni a, member ten lo hriat lawk tur a ni e.					



Chhiar Tam

Pi Paris-i chuan, 'Lehkhahu te hi pian ziaah pawh dik thlap an ni a, thawm nei lo mahse kan suangtuahnaah ring takin thu an sawi a. I hal thei mahse, mei aiin thil an tithei zawk. Hmasang thiamna leh finna zawng zawng luankhawmna an ni'. a lo ti a. Lehkhahu hlut zia a hmuchiang hle a ni.

Lehkhahu tha te hi rohlu an tling em em a, hmasang thil pawimawh zawng zawng kan hailet theihna chhan pawh an ni. Ziaka thil nei tha apiang hnam ropui an ni mai awm e. Tunlai khawvel changkanna kal zelah lehkhahu te hian an hlutna an hloh ta emaw tih mai tur an ni. Thangthar te phei chuan kan thil chhiar kan peih ta lo hle.

Thiamna tak tak nei tur chuan chhiar hnem a ngai a ni. En tam leh ngaihthlak tam hian a nihna takah chuan min thlen san tir em em lo. Inziak tling thar te hi a chhiar hnem, a chhiar zau an ni zel. Chhiar nge nge hi chuan hriat pawh kan hre rei a ni.

Thil kan hmuh leh kan hriat te hi chu kar lovah kan theihngilh leh mai thin, kan chhiar erawh chuan kan suangtuah zui a, chu chuan kan thluak a sawi zawi ta thin a ni.

Kan hruaitute hmalakna in YMA Library chu Chawngbawla Runah kan hawng leh thei tep ta. Heng te hi a hmang tangkaitu nih tum ila. A bikin zir lai leh exam hmachhawn tumte tan phei chuan tangkai leh zualin hman tum ang u. Tin, thawnthu bu leh lehkhahu dang tha tak tak te a awm a, heng te pawh hi nu leh pa lam te tan pawh hunawl a han chhair atan an tha hlawm hle. YMA thil tum, hun awl hman thatna atan pawh a tha ve hrim hrim.

Engtin nge mi dang aiin kan fin ang? Tawn hriat leh chhiar tam hi a ni ber awm e. Tawn hriat ngah tur chuan kumin a chaldelh a ngai, chhiar tam tur chuan kum lamah a bithliah a awm lo. Lekhabu tha chhiar tam hian kan nun kawngah nasa takin hna a thawk a, kan mizia thlengin nasa takin a kaihrui a ni.

Lehkhahu chhiar hi uar thar leh ila, nu leh pa te pawhin kan tu leh kan fate rilruah tuh tum ila. Kan Library tangkai takin hman tum ang u khai.



LUNGVANDO

Pi leh pu, Mizorama lo awm hmasa te, a bikin Tuichang lui chhak lama cheng hmasa te khan van hi a chim dawn niin an ngaih avângin chumi lo do nan chuan lung sei pui pui an lo chher chhuan ûr ni ngei tur a ni. Chung mite chu eng hnam nge an nih a, eng tik hun laia mi nge an nih chu kan chhui chiang thei lo ang a, an sulhnu hmuh erawh hi chuan a mak in, mi chak tak tak te tan lo chuan han tih theih zia zang a ni lo tih erawh a lang a ni.

Lungvando hi Khawhai ramah a tamna bik hmun hnihah a awm a, Mualkhang ram, Kawnpui hnai leh Kawnpui hla inkâr, tlâng dung nuam lai takah, Ba hmun tiat vela zau hi a awm a, a pian hmang han en chuan lung pakhat, sang taka ding tawh, tlu bung leh ta rum a âng ber mai. A then chu tawi deuh an ni a, a sei pawl chu ft. 12 vel a ni. A hlai lam hi ft. 2 vel a ni a, a chhah lam chu inches 6-10 vel a ni. A bung hrang hrangte hi a vaiin 50 zet a ni a, tlâng dung sa hmul thenna laiah a inphah zur a, chu chu kal kawngah hman a ni. A lung hi a chang thawkhat hle a, a hmun hma han en hi chuan hetiang lung chang leh sei han awmna tur hmel a ni lo.

Tin, hemi ang thova pian hmang nei hi Khawhai leh New Chalrang inkârah, tlâng dung te tak tê ah a awm bawk a. Mualkhang rama awm ang bawka chang a ni. Heta mi hi chu a tlem deuh zawk a, tûnah chuan khaw lai a nih tawh avângin lung phun atan kawt kai dawh atan an la darh tawh a, hmuh theih tur pakhat chu a la awm.

PATETAR TLÂNG

Khawhai tlâng sang lai ber, Patetar Tlâng hi Kum 1898 khan Hari Singh-a leh a hote, Mizovin "Tlang sam ho" an tih te chuan, Mizorama tlâng sang deuh deuh te an teh a, an chhinchhiah nan chuan 'Pate' an tar a, chu chu a hmingah kan hmang zui ta a ni. He tlâng hi ft. 5218 sea level-a sang a ni. Mtr. 1581.2121 laia sang a nih chu.

Helai hmun a tâng hian khua leh ram a lang tam hle a, a thawveng a, a hmun

a nuam a nuam hle bawk a.

Kum 1994-a Gospel Centenary lawm nana mei det a nih pawh khan helaiah hian mei det a ni a, chuta tanga khaw dang dang mei det pawh 100 chuang lai a hmuh theih a ni. Chhim lamah fur khaw thian laiin Bangladesh tuipui leh Phawngpui Tlâng a lang thei a, khaw chhak lamah Lèn Tlâng leh Than Tlâng te, hmar lamah Mâwmrang Tlâng leh khaw thlâng lamah Aizawl Laipuitlang te a lang thei a ni.

ṬAWNGTAI TLÂNG

He tlâng hi Kanghaimun awm laia Pathian thu awih hmasate Lal in a tihduhdah laia rinawm taka Pathian hnena an ṭawngtaina hmun a ni. Ṭawngtai tlâng a nih hma chuan Siali Lunglen Tlâng an ti.

Chutia, Kristian ho khawhar taka awm chu ṭawngtaina hmun an lokal dawn hian, ring lo te inthawina hmun, Bawlkâwn, Ramhuai Liam kâwn ni bawk chu pal tlang ngei ngei a ngai a. Bawlkâwn piah deuh, khaw thlang lam hawi tlâng thawveng nuam tak a ni.

A hnua lam chu kham chheng chhe tak, ramhuai ho awm duhna hmun niáwm tak a ni. Kum 1995 khan Khawhai Kohhran KṬP chuan hemi hmunah hian lung an phun a, heti hian an ziaak :

TAWNGTAI TLÂNG

1927

PATHIAN HMING KAN LAMIN RAMHUI HO AN TLAN

PHUNTU :

KHAWHAI KOHHRAN KṬP

PHUN NI : 7.1.1995

He tlâng hi, Khawhaia ringtute tan leh kohhran a din chung chuan an hmun pawimawh ber a ni reng dawn a ni.

HRIATTIRNA

Pu J. Lalthlamuana S/o H. Thanmawia, Ramhlun North Veng hian a LSC No. AZL-1593 of 1986 of Luangmual Veng ami chu tibova rawn insawiin Office-ah Re-issue a rawn dil a. A dil anga tihsak a rem lohna chhan engpawh hria chuan chanchinbu a chhuah atanga ni 30 ral hma ngeiin a hnuaia address ziaak ah hian hriattir tur a ni, Hetiang a LSC thar pek chhuah leh a lo nih chuan LSC hmasa chu cancel nghal a ni ang.

Sd/-Director
Land Revenue & Settlement
Mizoram: Aizawl

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lalhlupia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia



ZIN & HAW

■ Nl. V. Lalruatkimi ECM chuan a nu Pi Rose Lalbeisei Hnamte, T-Sec. inentir tur hruaiin Kolkata-ah an kal.

■ Dr. C. Vanlalhlana, bialtu MLA leh a staff te Pu C. Lalthanzama, S-Sec., Pu Lalfakzuala, N-Sec. leh Pu Lalhlimpua, T-Sec. te hna thila Mizoram chhim lama zin chu an lo haw leh ta.

■ Er. R. Rohminglana, MLA chu hna pawimawha Guwahati a zin chu a lo haw leh ta.

■ Pu Lalchhuanawma, ECM te nupa chu chhungkaw thilah Lungleiah an zin.

■ Pi B. Lalsangpuii w/o Er. C. Lalhumhima, S-Sec. Vellore-a in inentira kal chu dam takin an lo haw leh ta.

■ Pu Richard Lalsangzela, C-Sec. te nupa chu an hnathawhna hmun Khawzawl atangin hna pawimawh buaipuiin an lo zin.

■ Pu F. Vanlalfela, C-Sec. chu a hnathawhna hmun Lawngtlai atangin chawlh hmangin a rawn haw.

■ Pi Baby Zorammuani w/o Er. Lalchhuana, V-Sec. CMC Vellore-a Thyroid zai chu an lo haw leh ta.

■ Pu Lalramzauva leh Pi Lalsawmkimi, K-Sec. te chu chhiattawh thil ah Sawlengah an kal.

■ Tv. Lalhmingmawia, K-Sec. Buhban a zin chu dam takin a lo haw leh ta.

■ Nl. Sarah Lalrinsangi d/o Lal Chungnunga (L), V-Sec. thil pawimawh buaipuiin Champhaiah a zin.



CENTRAL YMA THU

■ Ni 21.4.2025 Conference Hall, Mizoram Assembly Annex Building-ah Prof. R.L. Thanmawia'n Mizo hnathlak hnam hrang 16 in Chhura thawnthu an sawi dan a lakkhawm "Chhura Thawnthu Bu" tlangzarh hun hman a ni a, Prof. Malsawmliana Gen. Secretary chuan programme kaihruaitu niin a hmanpui.

■ Ni 23.4.2025 Vanapa Hall-ah MHIP Gen. Hqrs. hruaitu 2025-2027 thlanna hun hman a ni a, Inthlanpui tura Central YMA an ngen angin, Central YMA OB leh CEC member ten an inthlanpui..

LEI PIAH LAMAH



K. Lalrina, Kum 81, K-Sec. chu ni 24.04.2025 (Ningani) zing dar 9:15 khan a boral a, a tuk ni 25.03.2025 (Zirtawpni) chhun dar



12:00 khan Ramhlun North Thlanmual, Zemabawk ah vui liam a ni.

Lusun khawhar chhungte thlamuantu Pathianin vengin awmpui zel rawh se.



DAMLO

■ Pu Biakchngnunga, Branch Secretary hritlang, khawsik chuan ziaawm lam a pan ta e.

■ Pi Lalnunthari w/o HC. Lalrinchhana, V-Sec. chu Greenwood Hospital-ah an enkawl mek a ni.

■ Pu Lalrawna, V-Sec. chu LRM Hospital-ah enkawl mek a ni.

■ Ramnghahmawia s/o Lalramchhana, K-Sec. Civil Hospital, Aizawl a awm chu dam takin an chhuak leh ta.

■ Pi Thankhumi, K-Sec. chu Synod Hospital, Durtlang ah enkawl mek a ni.

■ Isaak Lalnunmawia s/o Samuel R. Lalhmangaiha, K-Sec. chu Civil Hospital, Aizawl atangin a lo chhuak leh ta.

■ Pu R. Chawngkunga, T-Sec. chu in lamah enkawl mek a ni.

■ Pu C. Lalchungnunga, N-Sec. chu in lamah enkawl mek a ni.

■ Pi Kapchini m/o Lalfamkima, C-Sec. chu in lamah enkawl mek a ni.

■ Pu K. Ralchhuana, N-Sec. chu in lamah enkawl mek a ni.

■ Pi Noel Zothanpuii w/o David Lalrinzuala, V-Sec. chu in lama inenkawl chhunzawm turin a lo chhuak leh ta.

■ Pu Thangboi Leivon, N-Sec. chu Ebenezer Hospital-ah enkawl mek a ni.



LAWMAWM

■ K. Liansangzela s/o K. Vanlalrova, N-Sec. chu Pullela Gopichand Badminton Academy (PGBA)-a awm turin thlan an ni.

■ Pu Kaptluanga leh Pi Lalremruati te nupa, V-Sec. chuan Civil Hospital, Aizawl ah fanu an nei thar.

■ Nl. Lalhminghlui d/o Lalchhawngveli, S-Sec. chu Health & Family Welfare hnuaia Multi Tasking Worker on Casual Basis, ZMC & H atan lak thar a ni.



THILDANG

■ **Basic Mual mawng Welfare:** Ni 25.04.2025 (Zirtawpni) zan dar 8:00 pm khan kum 2025 - 2027 chhung a Basic Mual mawng Welfare Committee Hruaitu thar thlanna neih niin heng mite hi thlan chhuah an ni.

Chairman: Pu R. Lalthlamuana

Vice Chairman: Pu T. Lalrinmawia

Secretary: Pu Joseph Lalthanliana

Asst. Secretary: Pu C. Rodinglana

Treasurer: Pi Lalhmangaihi

Finance Secretary: Pi K. Lalramthari

■ **Ruangchhuak:** HC Lalrinchhana, K-42, V-Sec. chu ni 25.4.2025 (Zirtawpni) khan Greenwood Hospital-ah a boral a, Pi Lalthantluangi (Pi Tluangpuii) te in chung a khawsa an nih angin a ruang hi an chenna inah chawlpui a nih hnuaiah an khua Lawngtlai panpui a ni. Pu Rintea hi Ramhlun North YMA member a ni.

■ **Urban Health and Wellness Centre** te hi Pu K. Lalruata, N.Sec. in hnuaiah an rawn in sawn dawn ta a. Thla thar ni khat 1.5.2025 atang a tan thei tur a beisei an ni. Doctor pakhat, Nurse pakhat, Health Worker pakhat an awm ang. Kan veng a an awm theihna tura Local Council hmalakna hi a lawm hle.

■ **MALBRA:** Ramhlun pumpui huapa din Ramhlun Literature Club (RLC) chu, Mizo Academy of Letters (MAL) ah affiliated Club ni mai tawh lovin, MAL-ah a in chhunglut a, branch a lo ni ta a, *Mizo Academy of Letters Branch, Ramhlun, Aizawl (MALBRA)* tih a lo ni ta tih veng mipuite kan in hriattir e. He pawla tel tur hian thu leh hla tui mite kan insawm a, a tel duhte chuan Chairman leh Secretary te number tarlanah hian biak mai tur a ni e. 9436152750 / 9612864256.

■ **GAS:** LPG gas Home delivery awlsam zawka kalpui a nih theih nan Address Update mek a ni a. Tunlai hian agency lam atangin kan vengah an lo kal a. Mahni point koh niah ngaipawimawh ang u.

■ **Street light:** Local Council hmalakna in P&E Deptt. te nen vengchhunga Street light eng thei lo te siam that an ni.

HOLY CHILD SCHOOL

ADMISSION OPEN

Nursey to Cl-X, Principal office RSC field bulah admission a tih theih reng e.

Contact : 9436154080/ 7005612221

Office hour 10:0 am - 3:00 pm

EXPERIENCED TUTOR OFFERING TUITION FOR CLASS 1 TO 8

Hna avanga nu leh paten fate lehkha zirpui hman lo emaw tuition kal tir duh chuan; a hnuaia mi ang hian ka lo zirpui thei e.

Class 1-5 : Subject zawng zawng

Class 6-8 : English, Grammar, Mathematics, Science, and Social Studies/Science.

Please Contact - 9862774402



EIRÚKNA / HLEMHLÊTNA

- David Laltlankima
S-Sec.

Ram hmasawnna tura daltu lian tak eirùkna leh hlemhlêtna hi nuai bo a ùl hle a. Chumi ti tur chuan mitinin mawhphurhna kan nei a, kohhran leh NGO thleng pawhin mawhphurhna kan nei niin a lang. Ram hrang hrang eirùk chhan hi a in an loh ang bawkin an eiruk dan pawh a in ang lo hle.

India ram hi eirùk nasat dan tehnaah hian 93-na a ni a,(CPI-2023) a hun a zira danglam thei reng erawh a ni thung. India rama sakhaw tam ber chu Hindu an ni a, Hindu sakhua hian hausakna hi a ngaihlu hle a, hausakna pathian (kuber) te an nei a ni.

An hnam òha 'brahmin' an tih te pawh hian bawng za tal an neih loh chuan inthawina hlan tlakah an ngai lo a, brahmin pawh nise a hausak loh chuan pathian a tilawm thei loah an ngai mai (R.Lalchhuana). Hindu sakhua hian hausak a zirtira, hausak dan tur a zirtir leh si lo a, chu chuan a theih dan dana sum lak luh pawi tih lohna a thlen ni berin a lang.

Keini kristiante inzirtirna nen chuan a inpersan hle a. Kristiante zirtirmaah chuan dikna leh rinawmnate, hmangaihate, kan neih chhun midangte tana pekte leh mihausa vanram kai a harsat tur thute a ni daih thung. Chutiang zirtirna dawngtu nisi kan rama eirùkna leh hlemhlêtna a tam viau chhan hi India rama awm kan nih vang ai mahin kan kristiannain kan nunah awmzia a neih táwk loh vang ni berin a lang.

Ring lo mi kan tih tam tak te aia eirùkna kawnga kan sang zawk hi anni hoin min ngaihdan tur aiin kan Pathian hian engtin nge min ngaih ang tih hi a pawimawh zawk a. Pathian thua kan tui ang te, inkhawm leh lam nuam kan tih ang ai te hian rinawmna leh dikna kawngahte, midik ngaihsan kawngahte, thil dik lo dona kawngah te hian kan sang lo hle tihna a ni. Heti taka hlemhlêtnain kan rama bu a khuar lai hian engtin nge hma kan lak tak ang?

A hmasaberah chuan awh kan ngah lutuk hi kan tih tlem a ngai. Chumi branch chuan an nei bik, chumi te kohhran chuan an nei, chumite chhungkua chuan an nei tih velah hian kan hman hlel lutuk a, chung awhna tam tak chuan kawng dik loah min hruai fo òhin. Kan lakluhin a phak loh pawh kan awh miao avangin a neih theih dan apiang kan tih duh phah a, kan awh miao avangin a luh dan dik leh dik lo kan ngaihtuah thleng phal lo. Chu chuan nasa takin kan ramah eirùkna/hlemhlêtna a ti hluar òhin.

A dawt lehah chuan kan ngaihsàn zawng kan thlak a ngai. Sap thufing pakhat chuan "Mi zahawm dik tak chu enge a neih tih ni lovin enge a nih tih hi a ni" a ti. Mizo zinga a tam ber te zahawm tehna hi kan ngaihtuahna ang bawk hian a pawn lawi hle a, sum ngah tak a nih chuan mizahawmah kan ngai thuai zel òhin. An thil neihah nilo, anmahni a òanga zahawmna teh nacháng kan hriat hunah, midiklote ngaihnep nacháng kan hriat hunah, mi dik lote kan tihmualpho ngam hunah hlemhlêtna hi kan nek tawm thei ang.

Kan ramah NGO tam tak an awma an òangkai hle. Chutih rualin kan sumtuak dan pawh a lo danglam zo ta; thlan tla zawnga sumtuak aiin mite zár-zawh kan tum rán a, dik lo taka sum la lut ngei nia langte tan hmai phihna remchang tak kan siamsak zel a, sum hmuhna a nih chuan pawl zahawmna kan ngaihtuah thleng ta lo a ni ber mai. Chu chuana hlemhlêtna a tingampa a, mi dik lo te a tizalen òhin. Tun hunah hian mi dik nih ringawt hi a tawk zo tawh lo a, huaissen taka mi dik lote do ngam hi ramin a mamawh chu a ni.

Kohhran pawh kan in enfiah a òul ang. Hindu sakhua ang mai hian a hausa leh thawh lawm thawh tam apiang hi rawngbawltu tlàkah kan ngai nghal zel mai em, miin kohhrana sum a thawh hnem vang hian pulpitah kan hlangkai nghal zel nge zirtirtu tlàkah kan ngai nghal zel tih te kan inenfiah a òul. Sum lut tam hrim hrim kan ngaihlu hle a nih chuan kohhranah meuh pawh hlemhlêtnain hmun a chang ngei tihna a ni ang a, kan hriat hauh lohin hlemhlêtna kan lo vulh lian reng tihna a ni ang. Hlemhlêtna leh eirùkna tibo tur hian mimalin mawhphurhna tam tak nei bawk mah ila kohhran leh NGO hmalak dan hian kawng thui tak a hril thei.

Fel lo taka deh chhuah tam tak ai chuan Fel taka deh chhuah tlêmté a òha zawk ti-a Pathian thuin min hrilh hi ngaihlu deuh deuh teh ang u.



ADVERTISEMENT

KC TUI

(10-9)

Tui thianghlim, Pickup-in 2,000 litre kan pe thei reng e. Ramhlun North veng chung tan discount kan pe e.
Ph: 7005010327 / 9774223462

SP TUI

(4-2)

Tui hna thianghlim, ei leh in tlak, litre 2000 pickup trip kan pe thei e.
Mobile: 9615789047/8730960917

M.S. SEPTIC TANK SERVICE

(5-4)

Septic Tank khat paih fai, commode Block, Pipe Block leh Soak pit hlui leh a thar siam repairing engkim kan thawk reng e.
Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-4)

ISAK SEPTIC TANK SERVICE

(5-4)

Septic tank khat paih fai, Comode Block, Soak pit, Pipe Fitting Repare engkim, khur chung lut in, A neitu te Lungawi na thlap in kan thawk thin e.

Ph. 9862344971, Bawngkawn south

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna

Ph: 8119969364

(5-4)

LM SEPTIC TANK SERVICE

Septic Tank paih fai leh repairing engkim kan khawih thei e.

Kum 17 chuang experience nei kan ni e

Rate Rs. 4000 per trip

Ph: 6909183193

(5-4)

PJ Security Solution

(3-3)

Mimal, Dawr, School leh Office-ah tlawm takin CCTV (Security Camera) kan fit sak thei reng e. Kum tam tak experience nei tawh kan ni a, Servicing ah buaina a awm lovang.

Lalpekhlua, Tuivamit Ph: 9774163016/ 6009033303

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a felfai a, service hlun leh rintlak kan ni e.

Rate inbiak remna.

Registration: MRS 542

Contact: 9862476439 / 9436199884

(5-2)

ROSEBUD SCHOOL: Ramhlun Venglai

Rosebud School, Ramhlun Venglai chuan kumin atang hian Higher Secondary, Class XI (Arts) kan hawng dawn ta a. Arts subject-a òan a ni anga, heng subject te hi thlan theih a ni ang; History/Economics/Political Science/Geography/Education/ Psychology.

Admission hi May ni 1, 2025 (Ningani) a òanga hawn a ni ang. Hrechiang duhte tan a hnuaia number-ah te hian zawhfiah theih a ni e.

9436151251 / 7005722540 / 8014158963